

2 KOLIN

Pol Mij Kidek Ak Kolin Binib Kilop Tikak

¹ Yad Pol. God yip agek, bi Klays Jisas takaw nop dad ameb ak midebin. Pen miñil mam chin Timoti ayip midil, chil mij anib ak ñu kil tikobul. Tikil, nibi God binib ne taun Kolin pelpel apnan gipim ak ayip, binib God yil ak midupsek Akaya plopens midebal okok ayip, nibop ñobun.

² Bapi God chin ayip Biawl Jisas Klays ayip, bi apilmañal anib ak nibop yimug niñid gitep gel midtep ginimib.

Pol ne God chinop chib niñid giñub agil, nop tep agup

³ Chin God yib nop dad aplanigun. God, ne Biawl chin Jisas Klays nop God ne mideb, Nap ne mideb. Ne Bapi chin midil, chinop chib niñid ditep gup. Tap timel okok midupsek chinop gup ak, God mideb ak ne chinop gek gos sek midobun.

⁴ Chilop gi timel gel miñel dipul ak, midupsek ne gek gos sek midobul. Anib ak binib okok kilop gi timel gel miñel dipal okok, midupsek chil gol gos sek midenigel tek lup. God gek chil gos sek midobul, chil pen adikid binib okok kilop gol, gos sek midebal.

⁵ Klays nop gi timel gel yul awl dek, nop yil midobul tek, chil abe dipul. Anib ak tek pen,

ne ayip nep midobul ak niñid gek, gos sek midil midtep yibil gobul.

⁶ Pen chilop gi timel gel miñel dipul ak niñid, nibop gek gos sek yibekniñ nibop tig asik dup. Akan chilop gek gos sek midobul ak, nibop abe gek gos sek midebim. Anigek, chilop gi timel gel yul dipul ak, nibop abe aniginigel won ak, miñel anib okok dil kiles timel gil jak yenimib tek lup.

⁷ Pen nibi God yil midil jak kiles gil yenigabim akan agil, gos ak nopul. Gos chil nopul ak, nibi chil ayip miñel dilig midobun ak nim, nibi abe chil ayip gos sek midobun.

⁸ Pen mam ay sikop. Chil Esiya plopens midol, chilop gi timel gel miñel dilok ak, chil nibi gos anib ak nigtep ginimib agil gos nopun. Miñel awl timel yibil ak dil, kiles chin sikol midobul agil, gos tikek apek kumnigul tek lak.

⁹ Niñid yibil apun, bi takaw bilokep olap agup, Bi nim ak kumnimun agup ak, bi anib ak miñel nod dup ak tek chil abe dinigul agil gos nigilok. Pen chilop gak anib ak, gos awl yibil owak ak nim, chil ke kiles midobul agil ma niginigul. God ne binib kubal okok kilop gek tikjakipal anep, kiles ne ak dil chilop kod midakniñ midobul agil niginigul.

¹⁰ Tap timel anib ak, chilop paklinimun tek lak ak pen, God ne chilop dil kod yek, tap ak chilop ginimun tek ma lak. Pen kidek abe chilop ginimun tek ma linigab. Anib ak gos sek kod midil, anigil gos nopul, tap timel olap chilop ginigab won ak, God ne chilop dil kod yek, chilop ginimun tek ma linigab.

11 Pen nibi chilop gos nigilig God nop agniginimib. Anigem, God ne nibi agnepim ak sek, binib kunay agnepal ak sek niñid, chilop giñil ditep ginigab. Ditep gek, binib kunay niñid God nop tep aginigabal.

Pol ne Kolin binib okok kilop takaw yepis ma agup

12 Pen tap anib ak gos nigol chilop tep gup. Chibol nab chil ayan midtepep gek gos pal ak tepep won ak nopul, God chilop kod midakniñ, yepis ma agil gi timel ma gipul. Chil binib lum awl nab kili okok pel gitep gol nepal, pen nab nibi okok pelpel gitep yibil gol nigtepep gipim. Chil pen lum awl gos ak dil gitep ma gipul. God chilop yimug niñid gitep gil gos ñek, tap niñid yibil yipid gil yibil gitepep gipul.

13-14 Pen mij nibop tikipul okok, takaw bak okok tek agil ma tikipul. Mij tikipul okok, mij pi ak nigilig agñil, misen yibil niginimib agil tikipul. Niñid apun, takaw tikipul oginap nigtepep ma gipim. Yad pen gos anigil mideb. Biawl chin Jisas adikid ownigab ñin ak, chil nibop nigol tep ginigab tek, nibi pen chilop nigem tep ginigab. Anib ak mij tikipul takaw ak midupsek nigtepep gil misen niginigabim agil gos nopun.

15-16 Yad anib okok midupsek niñid, gos nigtepep gipin ak nim, aglil aginek, Yad Masedoniya plopens amnig, nibop ned niginig am midenim aginek. Nib ayip midil, keligil Masedoniya plopens amil kili ayip midenim aginek. Pen adikid apil Judiya amnig, apil nibop tepayan nigilig padikinim

aginek. Anigen nim, yad ned ap niñid amninek kidek jitep ak ap niñid amninekniñ, nibi yip nigem tep ginimuj, mid dad amil, kidek yip pen dam kanib nab ak yokem Judiya amnim aginek.

¹⁷ Miñil pen tay aginim? Gos anib ak niñid nim, nibop takaw punil agyokinek ak pen, kidek ma ninek. Ginek anib ak, nibi ne takaw aglil agak ak, chinop yepis agak agil gos nepim akan? Pen bi pal ak nop ke tep gup adek ak kidek gil, ginigayn ginigayn agil, takaw anep agak agil gos nepim akan? Yip bi takaw ñig nep pak ajup aginimib tek lup ak pen,

¹⁸ yad God Biawl niñid yibil agup ak yil midebin tek, taydil takaw yepis nibop aginim? Yad yaw agil mel ma aginim.

¹⁹ Yad ayip, Saylas ayip, Timoti ayip, chin yakam nibop God Ñine Jisas Klays nop takaw agñinok. Pen nib nepim, Klays ne bi takaw ñig pakep olap ma mideb. Ne yaw agil mel ma agup. Takaw tay agup ak, agup tek nep gup.

²⁰ God ne takaw titay aglil agak ak, Klays ne nim apil midupsek gup. Anib ak tek, gup anib ak nopun ak, niñid yibil agon God yib awl yibil dup.

²¹ God nokom ne gek, chin nib ayip kab sek Klays nop chig tep gil jimñil midobun. Ne nokom aglek, chin binib ne ke yibil midobun.

²² Ne nokom chinop pisnep dinigab tek Kawan ne ak agyokek, apil chinop nab ayan mideb. Anigek nim, chin binib ne ke midobun ak niñid, chinop agak agak tek midupsek ginigab agil nigtep

1:19 Apo 9.20, 18.5 **1:20** Lom 15.8-9, Lep 3.14 **1:21** 1 Jo 2.20, 2.27 **1:22** Lom 8.16-17, 2 Ko 5.5, Epe 1.13-14, 2 Ti 2.19, 1 Jo 2.27, Lep 2.17

gipun.

²³ Pen God ne nig midakniņ, yad niņid yibil agebin. Yad nibi Kolin kay midebek ak adikid ninig genek ak pen, pi ak amil takaw awl agen, koslam yenimib tek lek niņid, nibop chib niņid ma ninek.

²⁴ Chin biawl midil, Klays nop gos linigep nibi ak kod yonigun agil, gos ma nopun. Mel yibil. Chin nopun, nibi Klays nop gos liniņid, nop chigil midebim. Chin pen wog gon nibop tep ginimun agil, nib ayip anigil wog gipun.

2

¹ Ak nim, gos yad tig asikil, anigil gos niginek, yad amil nibop gen, tepayan chib gonimun ak, tep ma ginigab. Anib ak yad nibop yil ma amninek.

² Pen nibop gen chib gek, an pen midil yip genigab miņmiņ ginigayn? Nibop gen chib gek anigil midem, binib yip genigab miņmiņ ginigayn okok ma yenigabal.

³ Yad nibop nigen yip tep ginigab binib okok midebim, ak nim amjakil nigen chib ginigab ak, tep ma ginigab. Anib ak niņid nim, ned nibop mij tikil yokinek. Yad nepin, titay gek yip tep gup ak, nibop midupsek abe tep gup.

⁴ Mij ned nibop tikinek anib ak, midupmidup yip ak punil nil lilig, gos pal lilig, chan awl lilig mij tikinek. Pen nibop gen chib ginimun agil ma tikinek, nibop mapen awl yibil lipin ak niginimib agil mij tikinek.

Nibi bi tap timel gak anop niņid keliginimib

5 Pen bi olap gek binib oginap kilop chib gup ak, yip ma gup, nibop gup. Gup anib ak, takaw awl kunay ma aginim agil gos nepin. Yad pen nepin, ne gek nibop midupsek yimug sikol olap gup.

6 Pen nibi midupsek tek takaw aglil, nop gos timud wukilig minel nibim ak, miñil tep, oginap sek ma ginimib.

7 Miñil pen timel gak anib ak ninid keligil, nop takaw tep ak agñem gos sek yonimuj. Anigil ma genimib, chib timel gek apyap pakinimuj tek lup.

8 Anib ak yad nibop kiles gil agninid agebin, Nop mapen lipun ak aginimib agebin. Anib agil nop mapen lem, ne nigtep ginimuj.

9 Mij ned nibop tikil yokinek ak, nibi takaw yad aginek tek nep ninid kidek ginimib akan mel agil, tikinek.

10 Pen nibi binib oginap tap tay timel gipal ak ninid keligebim ak, yad abe ninid keligebin. Pen tap timel gup ninid keliginim olap midonimuj ak, nibop nen agil, Klays yip nig midaknij ninid keligipin.

11 Nigim. Satan pel gen apyap pakinigel agil nigup ak nigtep gipun. Anib ak yad binib tap timel gipal ak ninid keligen, Satan chinop yepis agek apyap pakinigun tek ma lup.

Pol taun Tlowas amjakil, bi Taytus ma yek ninid, gos kunay nigup

12 Pen yad Klays takaw teplep ak Tlowas binib kilop agñinig, taun Tlowas amjakinek ak, Biawl ak

yip kanib yomek, wog ne ak man anib ak ginim tek lak.

¹³ Yad pen mam Taytus ma niginek ak, gos kunay niñid midtep ma ginek. Anib ak yad Tlowas binib kilop nibi midem agil, keligil am Masedoniya plopens apjakinek.

God chinop kiles ñek, kiles timel yibil penpen gipun tek wog ne gitep gipun

¹⁴ Pen God, ne Klays ayip kili apilmiñal jimñil chinop ponjid amel, kilop kidek gil, miñmiñ gilig takaw agilig agobun. Anib agobun, Kili apilmiñal bi milik nepal okok ayip penpen gil, kilop pak yuk yokipil agobun. Kili apilmiñal anigel, binib okok midupsek kili niñid God nop nigtep gipal. Pen nop gos anib ak, tap kuy tep owup ak yigen dad apil, keke ameb tek mideb. God gup tek anib ak niñid nim, nop tep yibil apin.

¹⁵ Niñid apin, chin tap kuy tep owep dagil ñeb tek ak midon, Klays chinop dil God nop dagil ñub tek gup. Kuy anib ak amnakniñ, binib God tig asik di mideb okok sek, binib mab ke yineb amniñ gi midebal okok sek nepal.

¹⁶ Binib mab ke yineb amniñ gi midebal okok, kuy nokom anib anep niñid, ak chip kuy tek owup ak, chinop gek kumniñun tek lup agil gos nepal. Binib pen God kilop tig asik di mideb okok, kuy anib ak niñid, ak kuy tep pel midep owup ak, chinop gek pelpel yonigun tek lup agil gos nepal. Pen bi an wog anib ak tek gitep gonimuñ tek lup? Bi anib ak tek olap ma yibil mideb.

17 Binib kunay kili God takaw ne agñilig, mani tap okok dinigabun agil agñibal tek, chin ma gipun. God pen chinop agek wog ne gil, gos teplep pal ak kidek gil yipid gil gipun. God nig midakniñ, Klays nop chig tep gil midil, takaw yipid gil yibil agñibun.

3

God takaw ag adek nokom lak kideyil ak, wog ne anib ak gipun

1 Pen takaw agobun anib awl agñitep gipun tek, nibop agon chinop dinimib agil ma agobun. Titay dup? Bi ke okok nib tek chinop ma nigem, binib oginap kilop agil mij tikñel, dap nibop ñon chinop nepikep akan? Binib oginap chinop ma nigel, nibop agil mij tikñem, dam kilop ñon chinop nepilap akan?

2 Mij chin tek nim, nibi ke midebim. Nibi mij anib ak tek midebim ak, mij takaw gos chin nab ayan ñu kil tikek, binib okok midupsek nibop niñid nim, chinop bi tay tek ak niñid nigtep gipal.

3 Mij anib ak, Klays ne wog nop giñon nibi anigipim ak niñid, ñu kil tikup. Pen tap ñu kil gep ak dil, kab pis bad adek ak tikupal tek ma tikup. Ne God Kawnan pel midep ak nop agek, binib gos kilop nab ayan kil tikup. Anib ak nibi mij tek midebim ak, Klays ne kil tikil misen yokup.

4 Chin nopun, God ne agek, Klays chinop gek wog anib ak gitep gipun. Anib ak chin anib okok

midupsek niñid, ma pilikil takaw anib ak monmon agobun.

⁵ Chin ke wog gon amnimun tek lup ak agil, gos anib ak niñid ma agobun. Chin ke wog anib ak ginigun tek ma lup. God nokom nim chinop kod midakniñ wog anib ak gipun.

⁶ Ne nokom abe gek chin bi wog giñeb ne okok midil, God takaw ag adek nokom lak kideyil ak, wog ne anib ak gipun. Takaw ag adek nokom lak kideyil anib ak, takaw kiles mij migan ayan kil tik lek pel apal ak mel, God Kawnan ne anep anib ak lak. Niñim. Takaw kiles ak mij migan ayan kil tik lek pel apal ak, binib kilop gek kubal. God Kawnan ne ak pen, binib okok kilop gek konjim midil pelpel midebal.

⁷ Pen takaw kiles ak mij migan ayan kil tik lek pel apal anib ak, God kab pis bad adek ak tikak. Tikilig, milek ne awl yibil ak abe owak. Milek anib ak apil Mosis nop ñek, jomulik ne milek sek yek, Yislel binib Mosis nop niñijsek linigel tek ma lak. Pen milek anib ak sikol won olap midil kul gup. Takaw kiles ak mij migan ayan kil tik lak ak, binib okok kilop gek kumnilak ak, milek awl yibil sek owak.

⁸ Adek anib ak nep, God Kawnan ne ak wog geb ak, God milek ne teplep teplep yibil ak sek geb. God Kawnan ne ak wog awl yibil teplep yibil geb, takaw kiles ak mij migan ayan kil tik lak ak wog yokip tek lak. Niñid yibil agobun.

3:5 Jon 15.5, 1 Ko 15.10, Plp 2.13 **3:6** Jer 31.31, Jon 6.63, Lom 7.6, 1 Ko 11.25, Gal 3.10, Epe 3.7, Kol 1.25, Hib 8.6-8 **3:7** Kis 34.1, 34.28-30, Lo 10.1, Lom 7.10 **3:8** Gal 3.2, 3.5

9 Takaw kiles ak, mij migan ayan kil tik lak ak, binib kilop ag gil binib pakilep agup. Pen takaw kiles anib ak God milek ne sek yek tek, wog konim ak binib kilop gek God nigeek suntep midebal wog ak, God milek ne teplep yibil ak sek mideb.

10 Takaw kiles ak mij migan ayan kil tik lak ak wog gak ñin anib ak, God milek ne sek yek ak pen, God Kawnan wog ne kideyil ak milek ne teplep yibil ak sek midakniñ, ned nib ak milek ma mideb tek lup.

11 Takaw ned nib anib ak pel ma yonimuj ak, God milek ne sek owak. Anib ak tek chin nopun, wog ne pelpel yenigab ak, God milek ne teplep yibil ak sek owup.

12 Anib ak God Kawnan wog ne ak niñid gos sek kod midil, takaw anib ak agñinig ñawl ma dil, monmon gipun.

13 Pen Mosis gak tek ma gipun. Ñin ak jomulik ne milek yibil gil, pen yep won olap midil, sikol gek owakniñ, Yislel binib gup anib ak niñijsek ma linigel agil, wad bad ak dil jomulik pak yu gak.

14 Pen bilel nib gi dad dapil miñil won ak, Yislel binib chibol kilop ak ma asikup. Kili takaw ag adek nokom lil mij kil tikak ak, migan ayan niñid agñibal won ak, takaw jij ak nigtep ma gipal. Mosis wad bad ak dil jomulik pak yu gak tek, gos timud kilop abe komkam gil midakniñ, gos yipid gil niginigel tek ma lup. Bi olap pen wad bad ak tig asik yokep tek mel. Klays ne nokom wad bad anib ak tig asik yokinimuj tek lup.

3:9 Lo 27.26, Lom 1.17, 3.21 **3:10** Kis 34.29 **3:12** 2 Ko 7.4, Epe 6.19 **3:13** Kis 34.33-35, Lom 10.4, Gal 3.23 **3:14** Ais 6.10, Jon 12.40, Apo 28.26-27, Lom 11.7-8, 11.25

15 Niñid apun, Yislel binib takaw Mosis ñu kil tikak ak, miñil migan ayan niñid agñibal won ak, gos timud kilop komkam gil midakniñ, gos yipid gil niñinigel tek ma lak.

16 Binib oginap pen tap timel keligil, adikid Biawl yil amel, Biawl ak ne gek gos kilop pag yikek, agak tek niñinigabal.

17 Biawl ak, ne God Kawnan ak mideb. Ne chin ayip midakniñ, tap olap chinop chichik ma dil, nag lup ak wisibil midtep gipun.

18 Chinop midupsek, tap olap jomulik ma yu gup. Anib ak tek Biawl milek ne ak chinop pakek, okok midupsek amek chin nopun. Minek minek Biawl milek ne anib ak kunay nep don, nab chinop okyan gek yim jikek, Biawl ne mideb tek midobun. Biawl ak, ne God Kawnan ak mideb ak, ne tap anib okok gup.

4

Chin binib lum dil sige cheg gipal tek midobun

1 God ne chinop mapen niñid ditep gil, wog anib awl chinop aglak. Anib ak wog gobun agil yilik ma niñid, gon annimun.

2 Chin pen we gil gipal adek ak sek, neben gakniñ gipal adek ak sek pisnep keligipun. Titay gipun okok yepis adek ak ma gipun. God takaw agñinig, takaw chin ke oginap sek agun agil ma apun. Binib okok chinop niñid, yipid gil yibil gon

3:16 Kis 34.34, Ais 25.7, Lom 11.23, 11.26 **3:17** Jon 8.32, 8.36, Lom 8.2, 1 Ko 15.45, 2 Ko 3.6, Gal 5.1 **3:18** Kis 16.7, 24.17, Lom 8.29, 1 Ko 13.12, 15.49, 1 Ti 1.11 **4:1** 2 Ko 3.6, 1 Ti 1.13 **4:2** 1 Ko 1.18, 2 Ko 2.17, 6.4, 6.7, 1 Te 2.3-5

ameb ak niginigel agil, God chinop nig midakniŋ, takaw ne yipid gil yibil ak misen agñibun.

³ Pen takaw teplep agñibun anib ak, binib oginap niŋid takaw we gup agil nigtep ma gipal. Binib anib okok nep, man timel ak amniŋ gebal.

⁴ Kili Klays nop gos ma linigel, kicheki biawl ak lum awl kod mideb ak, ne kilop gek, kisilim nab okok midil widin koy gup tek midebal. Ne kilop anigek, Klays milek ne ak kilop pakek nigtep ginigel tek ma lup. Milek anib ak, Klays bi yib awl ak takaw teplep ne ak mideb. Anib ak Klays ne God mideb tek mideb ak, nop nigtep ma gipal.

⁵ Nigim. Chin titay gipun takaw ak ma agñibun. Klays Jisas ne Biawl ak mideb, chin nim nop muk okok midil bi wog giñeb nibi okok midobun ak agñibun.

⁶ Bilel God ne agak, Kisilim nab okok milek ak ownimunŋ agak. God anib ak, milek ne ke apek, gos chin nab ayaŋ amub. Amil gek, God nop nigtep gipun. Jisas Klays jomulik nop ak niŋid, God milek ne ak nopun.

⁷ Chin binib lum dil sige cheg gipal kiles ma mideb tek midobun ak pen, tap teplep anib ak chinop nab ayaŋ mideb. Tap anib ak niŋid gos nopun, kiles awl timel yibil anib ak, chin ke yil ma owup, God yil owup.

⁸ Chinop gi timel gel miŋel keke dipun ak pen, silig lil abun. Gos pal lilig penpen nig midobun ak pen, gos tikek ma owup.

4:3 1 Ko 1.18, 2 Ko 2.15, 2 Te 2.10 **4:4** Jon 1.18, 12.31, 12.45, 2 Ko 4.4, Epe 2.2, Plp 2.6, Kol 1.15, Hib 1.3 **4:5** 1 Ko 1.9, 1.13, 1.19, 1.23, 2 Ko 1.24 **4:6** Stt 1.3, Ais 9.2, 2 Ko 3.18, 1 Pi 2.9, 2 Pi 1.19 **4:7** 1 Ko 2.5, 2 Ko 5.1, 12.9 **4:8** 2 Ko 1.8, 7.5

⁹ Chinop gi timel yibil gipal ak pen, God chinop ma keligup. Chinop paklon kumilaŋ agil pakipal ak pen, ma kubun.

¹⁰ Chin anigil gos nopun, binib mubwak kumeb chin ak niŋid nim, Jisas kim mideb ak misen niŋinigel. Anib ak tek mubwak kumeb chin ak pel niŋid, Jisas kumak ak abe nepal.

¹¹ Lum awl pel yonokniŋ, binib kili chinop niŋid, Jisas yil midebal agil, chinop paklinig nep gipal. Anigek, binib mubwak kumeb chin ak niŋid nim, Jisas kim mideb ak misen niŋinigel.

¹² Anib ak tek chinop minek minek kumeb tek lup ak, adek anib ak nibop gek pel midep ak dipim.

¹³ Buk Baybol ak tikil agak, God nop gos liniginek, anib ak takaw agñinek agil tikak. Chin abe Klays nop gos linopun gos ak midobun, anib ak tek Klays nop gos liniŋid, takaw agñibun.

¹⁴ Chin nopun, God ne Biawl Jisas nop gek tepayan tikjakak ak, chinop abe gek Jisas ayip tepayan tikjakinigabun. Ne chinop abe dil nibop abe dil dad amil, ne yenigab ak wulep siŋak yonigabun.

¹⁵ Tap anib okok midupsek chinop gek koslam midilig gipun ak, nibop nen anigipun. Anigek nim, binib kuŋay yibil God kilop yimug niŋid gitep gup. Gitep gek amek, kili God nop tep agilig midilakniŋ, yib nop dad adek awl alanaŋ aplanigel. Anib ak tap anib okok chinop anigup.

Chin Klays nop gos liniŋid gos sek midobun

4:10 Lom 8.17, 1 Ko 15.31, Plp 3.10, 1 Pi 4.13 **4:11** Lom 8.36, 1 Ko 15.31, 15.49 **4:13** Sng 116.10, Lom 1.12, 2 Pi 1.1 **4:14** Lom 8.11, 1 Ko 6.14 **4:15** 1 Ko 3.21, 2 Ko 1.3-6, Kol 1.24, 2 Ti 2.10

16 Anib ak wog gobun agil yilik ma niñid, gon amnimun. Niñid apun, wak ñin tob chin sayn gi yownimun tek lup ak pen, God minek minek gos timud chinop ak gek, gos tep kideyil ak dipun.

17 Miñel keke miñil dipun anib okok, tap awl mel, yokip won olap nep chinop ginigab. Pen tap anib okok chinop gitep gek, chin pel pelnep God man ne alaŋ yonigabun. Chin nopun, tap teplep chin dinigabun okok, teplep yibil yenigab ak pen, miñel chin miñil dipun okok, tap yokip tek linigab.

18 Tap widin midup nopun ak, sikol won olap yenigab. Tap teplep pen widin ma nigep tek lup ak, ak pel pelnep yenigab. Anib ak tek tap widin nopun ak, chin kiles gil niñid gos lil ma nopun. Pen tap widin ma nigep tek lup ak, kiles gil niñid gos lil nopun.

5

1 Pen chin nopun, mubwak chin miñil lum awl mideb ak, sel kal tek mideb. Pen kal anib ak tig wanigel akaŋ, wul lil yapek, God kal chinop kideyil pel pelnep yenigab olap ñinigab. Kal anib ak God man ne alaŋ yenigab ak, bi okok kili ma ginigabal, God ne ke ginigab.*

2 Miñil pen sel kal lum awl mideb ak miŋan ayaŋ midil, miñel gek aŋiŋ pogipun. Kal kideyil God

4:16 Lom 7.22, Epe 3.16, Kol 3.10, 1 Pi 3.4 **4:17** Mat 5.12, Lom 8.17-18, 1 Pi 1.6 **4:18** Lom 8.24, 2 Ko 5.7, Kol 1.16, Hib 11.1-3

5:1 2 Ko 4.7, 2 Pi 1.13-14 * **5:1** Sel kal lum awl yil anib ak, mubwak chin lum awl ak takaw paladaŋ lil agup. Pen kal kideyil ak, mubwak chin kideyil nib ak God man ne alaŋ dinigabun ak takaw paladaŋ lil agup. **5:2** Lom 8.23

man ne alaŋ mideb ak dil, chech tek linigun agil pel gos nopun.

³ Pen chech tek lonigabun nim, midup nep ma yonigabun.

⁴ Chin sel kal lum awl mideb ak migan ayaŋ midil, miŋel gek aŋiŋ pogipun ak pen, keligiŋ yokip yonigun agil ma nopun. Chin pen anigiŋ gos nopun, mubwak kideyiŋ ak linigun, chech kideyiŋ lipun tek. Anigon, mubwak chin kumeb tek lup ak, tig adikil mubwak kideyiŋ lil, pelpel yenigab.

⁵ God ne ke kili mubwak kideyiŋ pelpel yenigab ak dinigel agil, Kawnan ne anop agyokek apek ayip midobun. Anigek nim, chin binib ne ke midobun ak niŋid, chinop agak agak tek midupsek ginigab agil, nigtep gipun.

⁶ Anib ak pel gos sek kod midobun. Chin nopun, mubwak ned nib ak sek midil nim, Biawl ak ayip man ne ma midobun.

⁷ Miŋil Biawl ak nop gos linigilig, nop kidek gipun. Nop widin nigilig kidek ma gipun.

⁸ Pen tepayaŋ agebin, gos sek kod midobun. Mubwak ned nib ak keligiŋ, am Biawl ak ayip man ne alaŋ midil pel midtep ginigun agil, gos anib ak nopun.

⁹ Anib ak gos awl chin ak nim, mubwak lum awl midil akaŋ, am man ne alaŋ midil, nop tep ginimun adek ak nep ginigun.

¹⁰ Taynen? Chin midupsek am Klays widin midup adek ak amon, tap gipun okok bilokinigab.

5:4 1 Ko 15.53-54 **5:5** Lom 8.16, 8.23, 2 Ko 1.22, Epe 1.14, 2.10

5:6 Hib 11.13-16 **5:7** Lom 8.24-25, 1 Ko 13.12, 2 Ko 4.18, Hib 11.1

5:8 Plp 1.23 **5:9** Kol 1.10, 1 Te 4.1 **5:10** Sav 12.14, Lom 2.16, 14.10, Gal 6.7, Kol 3.24-25, Lep 22.12

Mubwak lum awl midobun won ak, gitep gipun akan gi timel gipun ak niñid, chinop nokom nokom pen anib ak tek ñinigab.

Chin binib okok kilop giñon, God ayip jimñil yenigel

¹¹ Chin Biawl ak muk okok midil, ne bi jel gup ak nopun. Anib ak niñid, binib kili Biawl ak nop gos kiles timel yibil gil niginigel agil, chin kilop kiles gil agil gon, gos timud nab kilop ak pag yikan. Chin bi tay tek midobun ak, God ne nigtep gup. Pen abe anigil gos nepin, nibi gos pal ak teplep won ak nig midil, chin bi tay tek midobun ak nigtep gipim.

¹² Pen takaw agobun anib awl, nibop agon chinop dinimib agil ma agobun. Nib nepim, bi oginap yib awl kilop ak gos niñid, yib kilop anib ak yokip miñmiñ gipal. Pen gos kili chibol nab ayan yek ak, kili gos ma nepal. Chin pen anigil gos nopun, nibi chinop bi tay tek ak nigtep gipim. Chinop nigtep gil nim, binib yib kili gos niñid midtep ma gipal okok ayip, penpen ag amil apil ginimib tek linigab. Anib ak tek chin mij anib ak tikon, nibi chin bi tep midobun ak niñid, kilop pen agtep ginimib tek linigab.

¹³ Takaw agobun anib ak, bi oginap aginigabal, Kili bi sawl sek lilig agebal aginigabal ak pen, ak mel. Chin God wog ne ke gobun. Pen gos nigtep gil yibil ak niñid nim, nibop giñinigobun agil gipun.

¹⁴ Chin gos yipid gil niñid, gos nigtep gipun, bi nokom yibil ak ne binib kilop nen kumak tek, kili midupsek ayip kumilak tek lup. Anib ak Klays

chinop mapen lup ak, chinop kiles gil gek, wog ne anigil gipun.

15 Bi anib ak anigil gos nigup, chin binib konim midobun okok, gos chin ak ke nigilig ma ajonigun. Chin bi kumil tikjakup ak nop gos nigilig ajonigun. Anib ak tek, binib midupsek kilop nen kumak.

16 Ne anigak ak nim, chin miñil bi lum awl gos nepal tek niñid, binib okok gitep gipal akan, gi timel gipal agil ma bilok nopun. Ned won ak, chin bi lum awl gos nepal tek niñid, Klays nop anib ak tek nep bilok niginok ak pen, miñil anigil ma gobun.

17 Anib ak tek binib Klays nop chigil midebal okok, God kilop gek kim kideyil adek ak midebal. Tap ned geligipal ak kul gup, kideyil nib ak apjakup.

18 Tap anib okok, God ne nokom gek mideb. Ned chin binib ñagep ne yonok ak pen, God ne Klays nop agyokek apil, chinop dil God ayip jimñil lak. Pen binib oginap sek adikid yad ayip jimñil yenigel agil, chinop wog ne ak aglak. Aglek kilop giñon, kili abe adikid God ayip jimñil yenigabal.

19 Takaw agobun ak anigil mideb. God ne Klays nop agyokek apil, binib lum awl midebal okok kilop gek, kili God ayip penpen ñagun agil gos nepal ak keligipal. Keligil, adikid God ayip jimñil midel, tap si tap timel gipal okok, God gos anib ak nigilig ma mideb. Pen wog anib ak chinop aglil agak,

5:15 Lom 14.7-8, 1 Ko 6.19, Gal 2.20, 1 Te 5.10, 1 Ti 2.6, 1 Pi 4.2

5:16 Jon 6.63, 15.14, Plp 3.7-8, Kol 3.11 **5:17** Ais 43.18, Lom 8.1, 8.9-10, Gal 5.6, 6.15, Epe 2.15, Lep 21.5

5:18 Lom 5.10, Epe 2.16, Kol 1.20, 1 Jo 2.2 **5:19** Lom 3.23-25, Kol 1.19-20

Binib ñagep yad okok kilop agñem, niñid adikid yad ayip jimñil yonigabun agak.

²⁰ Anib ak Klays takaw ne ke chinop ñil agyokek, bi nab nib tek ag ajipun. Chin takaw ne anib ak apun ak, God ne ke binib okok kilop suk agup tek apun. Pen takaw nebneb gil tek apun ak, Klays takaw ne ke chinop ñub ak agñil apun. Anib apun, Nibi God ayip penpen ñagun agil gos nepim ak keligil, adikid God ayip jimñil yenimib apun.

²¹ Klays ne tap si tap timel olap ma gak. God pen, binib kili Klays ayip jimñil midel kilop gen, binib suntep yad yenigel agil, gos anib ak nigup. Anib ak tek tap si tap timel gipun ak, okok midupsek di jimñil Klays nop lek, Klays ne bi tap si tap timel gup ak nep yek.

6

¹ Pen chin God ayip jimñil wog gipun okok, nibop takaw kiles gil agil agobun, God nibop yimug niñid gitep gup agobun. Pen yimug niñid gitep gep anib ak, nibi keligil gem tap yokip linigab tek ma linimun agobun.

² God ne anib agak, Takaw anib ak tek niginim agil yenek ñin ak, yip agnige niginek agak. Nep tig asik dinim agil yenek ñin ak nim, nep dinek agak. Nigim. Ne takaw niginim agil yek ñin ak, miñil nep mideb. Pen binib kilop tig asik dinim agil yek ñin ak nim, miñil nep mideb.

5:20 2 Ko 3.6, 6.1, Epe 6.20 **5:21** Ais 53.6-12, Jon 8.46, Lom 5.19,
1 Ko 1.30, Gal 3.13, Plp 3.9, Hib 4.14-15, 1 Pi 2.22-24, 1 Jo 3.5 **6:1**
1 Ko 3.9, 2 Ko 5.20, Hib 12.15 **6:2** Ais 49.8, Luk 4.19-21

Kili wog gilig miñel kuray nep dipal

³ Chin wog gipun ak, bi oginap niñid takaw timel ma aginigel agil gos nopun. Anib ak tek titay gipun ak, bi olap gon apyap pakinimun tek ma lup.

⁴ Chin pen titay gipun ak, binib chinop niñid, bi God wog giñeb ne midobun niginigel agil, midupsek nep gitep gipun. Kiles timel gil miñel okok dipun. Chinop gi timel gel miñel dipun ak, koslam midobun ak, titay chinop gup ak, anib okok dil kiles gil jak midobun.

⁵ Chinop tapin pakipal. Chinop chichik dil nag lipal. Bi oginap chinop gos timel niñid, punil kuskus gil, suk awl yibil chinop apal. Koslam yibil wog gipun. Kin tep ma gipun. Yuwan nep midobun.

⁶ Pen God widin adek sinjak gach sek ma midobun. Gos nigtep gipun. Miñel oginap owup ak, kimagel jimñil midobun. Binib kilop ditep gipun. God Kawnan ne ayip midobun. Binib kilop mapen yibil lipun. Binib chinop niñid bi God wog giñeb ne midobun niginigel agil gos nopun.

⁷ Takaw niñid yibil nep apun. God chinop kiles ñakniñ wog gipun. Gitep gup adek ak niñid dil, wog ne gipun.

⁸ Binib oginap yib chinop dad aplanibal, oginap dad apyopal. Oginap chinop bi gitep gep apal, oginap chinop bi gi timel gep apal. Oginap chinop bi yepis agep agil nepal ak pen, chin bi takaw niñid yibil apun ak midobun.

⁹ Oginap chinop ma nopun apal ak pen, binib

6:3 Lom 14.13, 1 Ko 9.12, 10.32 **6:4** 2 Ko 4.2 **6:5** Apo 16.23, 2 Ko 11.23-27 **6:6** 1 Ti 4.12 **6:7** 1 Ko 2.4, 2 Ko 10.4, Epe 6.11-13, 2 Ti 4.7 **6:9** Sng 118.18, 1 Ko 4.9, 2 Ko 4.2, 4.9-10

kuṅay chinop nigtep gipal. Kubun tek lup ak pen, koṅim midobun. Oginap chinop gos timud wukil tapin pakipal ak pen, ma kubun.

¹⁰ Miṅel awl gek chib gup ak pen, pel miñmiñ gipun. Yimgeptek midobun ak pen, binib kilop gon, tap teplep kuṅay yibil dipal. Tap ma mideb okok midobun ak pen, tap okok midupsek mideb. Anib ak titay gipun ak, binib chinop niṅid, bi God wog giñeb ne midobun niginigel agil, midupsek nep gitep gipun.

¹¹ Kolin binib, takaw oginap we gil ma apun, misen yibil apun. Nibop yimug niṅid mapen yibil lipun.

¹² Chibol chinop ak asik lek, nibop mapen yibil lipun. Pen chibol nibop ak ma asikek, chinop mapen ma lipim.

¹³ Nibop nigen ñapay yad tek lek anib agebin, Nibop gipun tek, chinop pen aniginimib agebin. Chinop abe yimug niṅid mapen yibil linimib.

Binib Klays nop gos ma nepal okok ayip jimñil ma yenimib

¹⁴ Binib Klays nop gos ma nepal okok, kili gipal ak ke mideb. Anib ak nibi ayip jimñil ma yenimib, wog jimñil ma ginimib. Titay dil? Binib God agak tek kidek gipal okok ayip, binib God takaw tibilikipal okok ayip jimñil yenigel tek lup akan? Milek ak ayip, kisilim ak ayip jimñil yenigel tek lup akan? Mel yibil.

¹⁵ Pen Klays ayip, kicheki biawl ak ayip jimñil yenigel tek lup akan? Binib Klays nop gos linepal

okok ayip, binib Klays nop gos ma linepal okok ayip, jimñil yenigel tek lup akan? Mel yibil.

¹⁶ Pen God agnigep kal awl ak ayip, tap yepis agnepal kal midebal okok ayip, takaw olap ag adek nokom linigel tek lup akan? Mel yibil. Bilel God ne anib agak,

Yad kili ayip midil, nab kilop okok ajinigayn agak.

Yad God kili ak miden, kili binib yad okok yenigabal agak.

Anib ak tek chin nopun, chin ke God pel midep ak kal ne midobun.

¹⁷ Pen Biawl ak ne takaw olap agak, Kilop keligil, am ke okok nep yenimib agak. Tap asin okok ma wilikem, nibop dinigayn agak.

¹⁸ Dil, nap nibi miden, nibi ñipay yad okok yenigabim agak. God Biawl yibil, tap okok midupsek ginimunj tek nep mideb ak, ne anib agak.

7

¹ Binib mapen yad okok. God chinop ginigayn agil takaw aglak anib ak, chin nig dipun. Anib ak tek, gi timel gipun gach ak sek, gos timel nopun gach ak sek midupsek wik yokinipun. Wik yokil, God muk okok midil, ne bi jel gup ak ninjid nim, tap asin okok pisnep keliginipun. Keligil, binib suntep ne yibil okok pel yonipun.

Pol miñmiñ gup

² Nibi chinop yimug ninjid mapen yibil linimib. Binib olap nop gi timel ma ginok. Binib olap nop

6:16 Wkp 26.12, Ese 37.27, 1 Ko 3.16, 6.19 **6:17** Ais 52.11, Ese 20.34, 2 Ko 7.1, Lep 18.4 **6:18** 2 Sml 7.14, 1 Sto 17.13, Ais 43.6, Jer 31.9, Lep 1.8, 21.7 **7:1** 2 Ko 6.17-18, 1 Jo 3.3 **7:2** Apo 20.33, 2 Ko 12.17

yepis agon apyap pakinimun agil ma ginok. Binib olap nop monmon gil ma ginok.

³ Takaw agebin anib ak, nibop ag ginig ma agebin. Ned apin tek, chin nibop mapen yibil lil, ayip jimñil midobun. Kim midil akan, kumnigabun ak, jimñil yibil yonigabun.

⁴ Yad anigil nepin, nibop agyikil agebin, takaw ak we ma ginim. Nibop nigen yip tep gakniñ midebin. Yip miñel gup ak pen gos sek midebin. Pen yad nibop gos nigilig midil, miñmiñ timel yibil gilig midebin.

⁵ Pen chin Masedoniya plopens amjakinok ñin ak, won olap yokip ma yonigun tek lak. Chinop miñel keke apek, penpen agil chinop ag gelak, gos pal awl niginok.

⁶ God pen, ne binib gos kuñay niñid koslam midebal okok, kilop ditep gek gos sek midebal bi ak mideb. Ne Taytus nop agyokek apek chin nop niñid, gos sek midil midtep ginok.

⁷ Pen God ne anib ak nep chinop gek gos sek yonok. Ned abe nibi Taytus nop ditep gem ne gos sek midil nim, awl apil, nop titay gipek ak chinop agñak. Nibi nop anigil gipek, anib ak abe God chinop gek gos sek yonok. Nibi gos awl yibil yip nigun agil nepek ak, gos nab nibi pi ak yip yimug awl nepek ak, nibi yad ayip jimñil yonigun agil gos nepek ak, takaw anib okok midupsek Taytus ne chinop agñak. Anib ak tek yip tep gek miñmiñ yibil ginek.

⁸ Yad nepin, mij tikinek ak nigem, nibop chib gak ak pen, yad taynen tikinek agil gos ma nepin.

Bilel yad anigil gos niginek ak pen, miñil mel. Yad nepin, mij anib ak nigem nibop chib gak ak pen, ak yokip won nokom olap nep gak.

⁹ Pen miñil miñmiñ gebin. Nibop chib gak agil miñmiñ ma gebin. Pen nibop chib gek tap si tap timel gipun ak taynen anigipun agil keligipim agil, yad miñmiñ gebin. Yad nepin, nibop chib gak anib ak, God ginimunj agil nigak tek nep gak. Ak nim, mij tikil aginok anib ak, nibop gi timel ma gak.

¹⁰ Nigim. God binib kilop gek chib gup won ak, kilop chib gek tap si tap timel gipun ak taynen anigipun agil keligipal. Keligel, God kilop tig asik dup. Pen taynen chinop chib gek tap si tap timel keligipun agil gos ma nepal. Binib lum awl yil ak pen, kili tap si tap timel gipal won ak, kilop chib gek kumnigel tek lup.

¹¹ God nibop gek chib gup anib ak, nibi gos nigtep ginimib. Ak nibop gek, nibi tikjakil, takaw nim akal nibop takaw timel apal ak, kiles gil nigtep gil pen apim. Nibop gek, nibi bi gi timel gup ak nop ag gipim. Nibop gek, nibi God nop pilikipim. Nibop gek, nibi gos awl yibil yip nigun agil nepim. Nibop gek, nibi yad ayip jimñil yonigun agil gos nepim. Nibop gek, nibi bi gi timel gup ak, kiles gil nop agñitep gipim. Nibi anib okok agtep ginigun agil, gitep gem chinop anigil yomek, nibi asin olap ma mideb.

¹² Pen nibop mij tikil yokinec ak, bi gi timel gak ak nep agil, ma tikinec. Bi ne gi timel gak ak nop nep agil, abe ma tikinec. Pen God nig midakniñ, nibi chinop mapen yibil lipim ak nigtep ginimib

agil, nibop mij tikil yokinek.

¹³ Pen mij anib ak niñid anigem, chin gos sek midil midtep gipun.

Chin pen gos sek nep ma midobun. Gos sek midil miñmiñ timel gipun. Nibi Taytus nop ditep gipek ak nim, ne gos sek kimigel midtep gil, miñmiñ gup. Anib ak tek chin abe miñmiñ timel yibil gipun.

¹⁴ Bilel yad nibi pel gitep gipim takaw ak Taytus nop agil, yib nibop ak dad aplaninek. Pen takaw nop aginek anib ak neben ma dipin. Takaw nibop aginok okok, midupsek niñid yibil aginok. Pen takaw Taytus nop aginok ak, yib nibop dad aplanigun agil anib aginok ak, anib ak tek nep niñid yibil aginok.

¹⁵ Pen Taytus amil nibop amjakak ak, nibop midupsek jel gakinij pilikilig nop ditep gil, takaw agak ak dil kidek gipek. Anigipek, anib okok ne gos nigilig midil, nibop mapen awl yibil lup.

¹⁶ Pen miñil yad nigtep gipin, nibi adek olap ke ma ginigabim, gitep nep ginigabim. Anib ak yip tep yibil gup.

8

Binib Klays yil midebal okok, kili mani oginap dilitep gil ñinigel

¹ Pen mam ay sikop, takaw anib ak nibop aginigobun. Klays binib ne pelpel apnan gipal Masedoniya plopens okok, God kilop yimug niñid gitep gak.

² Kilop gi timel yibil gel koslam midil, tap kili sikol sikol yek ak pen, God kilop gek miñmiñ timel yibil

gil, binib Klays yil oginap kilop mani ñinigun agil, mani kuñay yibil dilitep gilak.

³ Yad ke agyikil agebin, Mani kili sikol sikol yek ak pen, ñinigel tek nab ak keligil mani awl ñilak. Gos kili ke niñid,

⁴ chinop nebneb gil agniñid agilak, Chinop yepilim, chin ayip Klays binib ne oginap ayip, chin Judiya binib Klays yil midebal okok kilop mani ñinigun agilak.

⁵ Pen gilak anib ak, mani oginap ñinigel agil gos niñinok tek nep ma gilak. God gos nigak tek kidek gil, ned kili ke God nop ñilak. Anigil, kili ke abe chinop ñilak.

⁶ Anigel niñid, Taytus nop kiles gil agniñid aginok, Ned nad Kolin binib kili ayip yimug niñid gitep gep wog ak tikjakipek tek, am kilop age, mani dilitep gil ñinigabim wog ak gijunimib aginok.

⁷ Nibi nim, tap okok midupsek gipim ak, gitep yibil gipim. Nibi Klays nop gos linepim ak, takaw agñitep gipim ak, gos nigtep gipim ak, gos awl yibil ak niñid God wog ne gipim ak, chinop mapen lipim ak, anib okok midupsek gitep gipim. Anib ak tek nep, yimug niñid gitep gep wog anib ak, gitep gil mani kuñay yibil dilitep gil ñinimib.

⁸ Pen takaw kiles agen nibi aniginimib agil ma agebin. Nibi binib okok kilop mapen yibil lipim akan agil, binib oginap tikjakil wog anib ak gipal ak, wog kili niñid agyikebin. Nibi adek anib ak nep gi midebim akan?

⁹ Nib nepim, Biawl chin ak Jisas Klays, ne chinop yimug niñid gitep gup. Ne tap kuñay yek midtep

gak ak pen, nibop nen agil tap ne anib ak keligil, awl apil bi yimgeptek yibil ak yek. Anigak nim, nibi tap kunay midek midtep gipim.

¹⁰ Sub ned ak, nibi gos tep niñid, chin mani kilop ñinigun agil, tikjakil mani oginap dilitep gipek. Anib ak nibi aniginimib agil, gos yad anigil niñid nibop aginigebin.

¹¹ Wog anib ak miñil gijunimib. Bilel nibi gos kiles timel gil niñid, wog anib ak ginigun agil gos nepek ak nim, miñil kasek gijunimib. Pen nibi yonimuj tek ak, mani dilitep ginimib.

¹² Bi olap ne tap oginap ñin agil gos nigenigab, tap ñinigab anib ak God niñid miñmiñ gil dinigab. God tap chin nokom nokom yonimuj ak ñinigun, ne niñid dinigab. Ma yenigab ak, ne niñid ma aginigab.

¹³ Nigim. Nibi binib oginap mani ñem midtep gel, nibi pen koslam yenimib agil, gos anib ak ma nepin. Chin midupsek pen adip adip tek yonigabun agil, gos ak nepin.

¹⁴ Tap nibi kunay mideb tek miñil ñin awl, kilop oginap bilok ñem nim, kidek nibop tek dinimuj ñin ak, tap kili kunay mideb tek nibop pen ñinigel. Anigil, kili ayip adip adip tek yenigabim.

¹⁵ Buk Baybol ak tikil anib agak, Binib tap ñineb kunay yibil yipilig dilak okok nigel, awl tek ma lek, ke ñinigel tek ak nep yek agil tikak. Pen binib tap ñineb sikol tek yipilig dilak okok kilop abe, ma tek dak agil tikak.

Taytus ayip bi omiñal ayip taun Kolin abal

16 God Taytus nop gos tep ñek, yad nibop ditep yibil ginim agil nepin tek, ne adek anib ak nep nigup. Anib ak tek God nop tep agebin.

17 Taytus am kilop niginimin agon, nop ke tep gup tek, nibop yil amnin agil ameb.

18 Pen mam Klays yil mideb olap sek, Taytus ayip agyokobun. Bi anib ak ne takaw telep ak agtep gup ak nim, Klays binib ne pelpel apnan gipal okok, kili yib nop dad aplanibal.

19 Pen abe, Klays binib ne pelpel apnan gipal okok, kili bi anib ak nop aglelak, chin ayip amil, mani di nan ginigabal ak binib yimgeptek okok kilop ñinig dad amnigabun. Wog ginigabun anib ak, Biawl ne ke yib awl yibil dinimuñ agil ginigabun. Pen binib okok kili abe niginigabal, chin binib yimgeptek okok kilop ditep yibil ginigun agil pel gos nopun.

20 Chin mani awl di nan ginigabal anib ak kod yonigabun ak, bi olap ne chinop takaw timel ma aginimuñ agil gos nopun. Anib ak tek ak, chin mam anib ak nop dil, ayip amnigabun.

21 Chin mani anib ak nigtep gil, bi mani si dep tek ma midobun ak God ne nigup ak pen, binib okok abe niginigabal, mani anib ak nigtep gil dad amnigabun.

22 Pen mam Klays yil mideb olap sek abe agyokon, Taytus ayip mam olap ayip amebal. Ñin kuñay mam anib ak nop wog oginap ñil, chin nop nig yonok. Nig midil, ne kiles timel gil wog anib ak gitep gak. Pen ne abe nigup, nibi pel gitep gipim. Gitep gipim anib ak, ne gos kiles timel gil niñid, nib

ayip wog gun agil gos nigup.

²³ Bi Taytus nim, ne yad ayip jimñil midil, wog jimñil gil nibop agñi ajipul. Pen mam ayip amebil omiñal ak, Klays binib ne okok kilop bi omiñal wog anib ak aglilak. Aglel wog ak gitep gelek, Klays ne yib awl dup.

²⁴ Anib ak bi omiñal nokom pi ak amjakel, kilop mapen yibil lil ditep ginimib. Anigem nim, takaw yad apin ak, bi omiñal nokom kili Pol ne niñid agup agil niginigabal. Takaw anib ak anib apin, Kolin binib Klays yil midebal okok, kili pel gitep gel yip tep gup apin. Pen Klays binib ne pelpel apnan gipal okok abe, Pol ne niñid agup agil niginigabal.

9

Kolin binib, kili binib Klays yil midebal oginap kilop mani ñinigel

¹ Pen nibi mani dilitep gil, Judiya binib Klays yil midebal okok kilop ñinigabim takaw ak, nigtep gipim. Anib ak tek nibop takaw pal awl agil ñu kil ma tikinibin.

² Yad nepin, nibi binib yimgeptek okok kilop ditep yibil ginigun agil pel gos nepim. Anib ak Masedoniya plopens binib okok kilop apin, Akaya plopens binib yib kilop dad aplanebin apin. Sub ned yil ak, kili tap anib okok di nan ginigun wog ak, tikjakil ginigel tek lak apin. Pen Masedoniya binib okok, nibi mani anib ak di nan gil ñinigabim ak niñid, gos kili pag yikek, kili kunjay nep mani oginap sek ñinigun agil gos nepal.

³ Pen takaw apin, Akaya binib yib kilop dad aplanebin apin ak, takaw won ak nep yonimuj tek ma lup. Masedoniya kay kilop apin, Akaya binib kili mani dilitep gipal apin. Anib ak tek, nibi aniginimib agil, mam chin anib okok kilop ned agyokebin.

⁴ Chin gos anigil nopun, nibi mani anib ak di nan gil ninig gebim. Pen mani ma di nan genigabim, Masedoniya binib oginap ponid amjaken anib ak nigenigabal, chinop neben ginigab. Pen nibop abe neben yibil ginigab.

⁵ Anib ak yad mam chin okok kilop ned agyokin agil gos nepin. Kili am nib ayip midil, mani ninigabun apek ak di nan gem yonimuj. Anigem, yad binib oginap ayip amjakinigabun nin ak, gos nibi ke ninid mani nibim ak, kili niginigabal. Chin mani tap nibi okok yokip nep dinigabun agil gos nopun ak, gos niginigel tek ma linigab.

⁶ Takaw anib ak gos nigtep ginimib. Binib tap yin kunay ma yibal okok, tap kunay ma yenigab. Binib tap yin kunay yibal okok nep, tap kunay yibil yenigab.

⁷ Anib ak nibi nokom nokom nigtep gil, gos ke nepim tek mani oginap ninimib. Yilik gakinij ma ninimib. Binib oginap nibop nebneb gel ninid, ma ninimib. Binib ne ke nigup tek, miñmiñ gilig mani nub ak, God binib anib ak nop nigek tep gup.

⁸ Pen God ne tap telep kunay yibil nibop ninimuj tek lek, tap tek dinigab tek nep ma linigab. Anigek, tap nibi kunay yibil midaknij, wog

tep ne kuṇay yibil, keke minek minek ginimib tek linigab.

⁹ Takaw anib ak tek, buk Baybol ak tikil agak, Bi tap kuṇay yibil dil, binib yimgeptek okok kilop monmon ñub ak, ne gitep gup anib ak, tap teplep yibil midil pel pelnep yenigab agil tikak.

¹⁰ God ne binib okok kilop pel tap yin ñek, wog kili okok yibal. Ne kilop pel tap midup ñek, ñibal. Anib ak tek nep, God nibop tap kuṇay ñek, nibi tap okok midupsek midil, binib tap ma yenigab okok kilop abe ñinimib tek linigab. Pen nibi gitep gipim ak, tap awl yibil yenigab, bi tap yin yimek wog day ne okok tap kuṇay yibil jakinigab tek.

¹¹ God nibop pel gek, tap nibi kuṇay yibil midek, monmon ñeb tek linigab. Ak nim, mani kuṇay yibil ñem, chin dad amil binib kilop ñon, kili God nop tep yibil aginigabal.

¹² Anib ak tek wog nibi gipim ak, binib Klays yil midebal okok kilop gek, tap midup ak kilop ñin olap ma tek dinigab. Tap anib ak nibi ñem chin dad amil ñinigabun ak, kili ninid God nop tep yibil aginigabal.

¹³ Kilop giñinigun agil wog anib ak gipim ak, binib okok kilop gek, gitep gipim anib ak kili misen niginigabal. Ninid, anigil aginigabal, Klays takaw teplep ak nab nibi pi okok midek, nibi ninid kidek gipim aginigabal. Pen tap kuṇay yibil kilop ñibim ak sek, tap kuṇay binib oginap kilop ñibim ak sek, anib ak abe ninid, God yib nop dad aplanigabal.

14 Pen God nibop yimug ninid gitep yibil gup tek niginigabal. Nigek, gos kili am nibop komkam gek kilop tep gakinj, nibop gos nigilig God nop agnig yenigabal.

15 Tap teplep God chinop ñub ak, ak tap awl yibil yek ak nim, chin aginigun tek ma mideb. Tap teplep anib ak ninid, God nop tep yibil aginigun.

10

Bi oginap Pol wog nop ak agjulak ak, Pol pen adikil agup

1 Binib nibi oginap yip apal, Ne apil chin ayip midil, ne bi sayn midil, takaw ma agup ak pen, amil pal okok midil mij anep tikil, takaw kiles gil agup apal. Pen yad ke Pol midebin ak, Klays ne bi kimigel yoligup tek midil, binib okok kilop mapen lil takaw sayn agoligup ak, nibi anib ak gos niginimib agil gos nepin. Yad Klays gitep gup anib ak kidek gilig, takaw aginigebin ak, yad nibop kiles gil agninid agebin, Takaw anib ak ninid, gos nigtep ginimib agebin.

2 Pen nibop abe agebin, Nigtep ginimib agebin. Yad apil nib ayip midil, takaw kiles oginap nibop aginim tek ma linigab. Bi nibi oginap, kili chin bi lum awl yil gos ninid kidek gipun agil gos nepal okok, yad gos nepin, yad kilop takaw kiles timel agep tek mideb.

3 Ninid apal, chin pel lum awl midobun ak pen, bi lum awl penpen ñapal tek ma gipun.

⁴ Tap penpen ñagep ak di midobun okok, tap lum awl yil mel. God kiles ne ak mideb ak nim, bi timel gup wali kiles ak tib walig yokinimun tek lup.

⁵ Lum awl gos okok midupsek diyokil, gos keke okok abe diyokipun. Binib okok kili God nop nigun agil apal ak pen, gos timel anib okok kilop kanib giñub. Anib ak chin binib okok gos timud kilop nag lipun, bi olap nop nag lipal tek mideb. Nag lil kilop gek, gos kili ak Klays takaw agup ak kidek ginigabal.

⁶ Pen miñil chin nibop kod midobun. Nibi Klays agup tek midupsek kidek gil nim, binib takaw nop tibilikil kidek ma gilak okok, kilop pen yul awl yibil ñinigun.

⁷ Tap nibi okok nepim misen sɔjak mideb ak, yigilil tep ginimib. Bi olap, yad ke Klays ayip midobul agil gos nigup ak, gos nigtep gil, anigil niginimun, chin abe Klays ayip midobun, ne Klays ayip mideb tek.

⁸ Biawl ak ne kili wog ginigel agil, chinop wog anib ak aglak. Pen wog agek gipun anib ak, kilop agem apyap pakinigel agil ma agak. Kilop agem gos sek midil kiles gil jak tep gil yenigel agil chinop agek gipun. Anib ak tek nibop giñil wog gipun ak, yad niñid miñmiñ gil, yib chin ke sikol olap dad aplanigun, yip neben ma gup.

⁹ Pen nibop mij tik yokipin okok niñid, pilikinimib agil ma tik yokipin.

¹⁰ Binib oginap yip apal, Ne pal okok midil, mij tik yokil, takaw kiles yibil agil takaw awl agup apal.

10:4 1 Ko 2.5, Epe 6.13-17, 1 Te 5.8, 1 Ti 1.18 **10:5** 1 Ko 1.19, 3.19

10:6 2 Ko 2.9 **10:7** 1 Ko 3.23, 14.37, 2 Ko 5.12, 1 Jo 4.6 **10:8** 2 Ko 12.6, 13.10

Pen awl apil agup won ak, chin nopun, ne bi kiles ma mideb, bi takaw agtep ma gup apal.

11 Pen binib anib apal anib okok, kili gos nigtep gil, anigil niginigabal. Chin apil nib ayip midil ginigabun ak sek, takaw miñil nibop pal okok midil ñu kil tikipun ak sek, omiñal gil jimñil anib ak tek yenigab.

12 Chin ke gos nigtep gil, chin bi yib kili dad aplanibal okok anib ak tek midobun agil, gos ma yibil nopun. Pen kili gipal tek, chin abe gipun agil gos ma yibil nopun. Bi anib okok kili ke bilok nepal. Kili ke penpen bilokil nepal. Bi anigipal okok, gos teplep kili ma mideb.

13 Chin pen, bilokil niñid chin ke yib awl dad aplanon, yib chin dad yi alañ amnimun agil ma nopun. God chinop bilok lek ke gipun ak nep agyikinigabun. God wog chinop aglil ñub tek, chin ke gos niñid, chin ke bilokinigun agil gos nopun. Pen wog God chinop aglup ak, nibi Kolin binib anib siñak midebim.

14 Niñid agobun, wog God chinop aglup ak, nibi Kolin binib anib siñak midebim. Anib ak tek chin amil takaw nibop agñibun ak, God wog chinop ñub ak silawid ma abun. Chin ke ned apil, Klays takaw teplep ne ak dapil nibop Kolin binib agñinok.

15 God wog chinop ñub ak silawid amil, wog bi oginap gipal gos niñid, yib chin ke dad aplanibun ak, ma gipun. Mel. Pen chinop tep ginigab ak, nibi Klays nop gos linepeknin, wog God chinop aglak ak, nib ayip gon am am awl yibil ginigab.

16 Pen nibop silawil, amil man ned ma agñilak okdan amil, kilop takaw teplep ak abe agñinigabun. Chin pen bi oginap man okok wog gipal tek, yib awl dun agil, bi oginap wog gipal adek ak chin gipun agil, ma aginigabun. Man ke okok amil, ginigabun ak nep aginigabun.

17 Pen buk Baybol ak tikil agilak, Binib miñmiñ gil yib awl dinigun agil, God gup tek niñid, miñmiñ gil God yib nop dad aplanigel agil tikak.

18 Chin nopun, bi olap yad ke binib tep midebin agil gos nigup ak, Biawl ak nop tep gakniñ bi anib ak nop dinimun tek ma lup. Biawl ak pen bi olap nop bi tep mideb agil gos niñid nim, nop tep gakniñ bi anib ak nop dup.

11

Bi Jisas takaw nop dad ameb yepis okok, Pol ne kili tek mel

¹ Yad gos anigil nepin, nibi yaw aginimib, yad sawl takaw tek sikol oginap aginigebin. Yip yaw aginimib akan?

² God ne binib yad midupsek muk yip okok nep yenigel agil, gos kiles gil nigup. Adek nokom anib ak nep, yad nibi Klays nop kidek ginimib agil, gos kiles gil nepin. Nibop bin pilaj gach ma midil suntep nep mideb tek midil, bi nokom dinig gek, dam bi anib ak nop ñinim. Bi anib ak nim Klays.

³ Yad pen pilikebin. Bilel yoy yepis gep ak, ne Yip nop yepis agek nig dak tek, nibop abe ginimun

10:17 Ais 65.16, Jer 9.24, 1 Ko 1.31 **10:18** Snd 27.2, Lom 2.29, 1 Ko 4.4-5 **11:2** Hos 2.19-20, 1 Ko 4.15, Gal 4.17-18, Epe 5.26-27, Kol 1.28 **11:3** Stt 3.1-5, 3.13, Jon 8.44, Hib 13.9, 2 Pi 3.17

tek linigab. Bi oginap nibop abe takaw yepis okok ag dad amel, gos timel kili nepal tek niñid, Klays nop nokom gos niñid gach ma midil suntep nep midebim ak keliginimib tek linigab. Anib ak tek yad pilikebin.

⁴ Yad nepin, bi oginap, kili Jisas chin ak nop takaw agñibun ak ma apal, Jisas olap ke tek takaw ak agñibal. Takaw agñibal anib ak, nibi niginig midebim. Pen God Kawnan ak ned dipim ak mel, kawnan olap ke tek dinig midebim. Pen takaw telep ak ned gos nepim ak mel, takaw telep olap ke tek gos niginig midebim. Bi anib okok takaw kili pel nepim ak nim, takaw yad ak abe niginimib.

⁵ Nigim. Nibi bi oginap kilop niñid anib apim, Kili bi Jisas takaw nop dad ameb biawl yibil okok midebal apim. Yad pen bi tam okok tek ma midebin agil gos nepin. Mel yibil.

⁶ Yad takaw agñitep ma gipin tek lup, ak tap yokip tek lup. Gos yad ak pen wulep ma yowup. Minek minek tap titay dil yad gipin ak nibop yomub, yad bi gos nigep yibil midebin.

⁷ Yad nibop God takaw telep agñinek ak pen, nibi tap oginap pen yip li ñinimib agil ma aginek. Ginek anib ak, nibop dad aplanenim agil, yib yad ap yownimunj. Tap gipin anib ak, tap timel gipin akan?

⁸ Yad nib ayip midil nibop giñinek won ak, binib Klays yil wakay oginap midebal yip mani tap okok ñel wog anib ak ginek. Yad anigil, ak mani tap kili si dinek tek.

⁹ Nib ayip yenek ñin ak, yip tap olap tek dek, yad pen bi nibop olap mani tap okok yip ñan agil ma agniginek. Mel. Klays binib ne Masedoniya plopens nib owlak okok nep, tap tay yip tek dak okok dap ñilak. Tap nibop olap dinig nebneb ma aginek, kidek abe tap nibop oginap ma agniginigayn.

¹⁰ Nibi Akaya plopens midebim okok, tap nibop ma dipin tek, agilig yibil yenigayn. Yad gipin anib ak niñid, yib yad ak dad aplanin agil gos nepin ak, bi olap kanib yip anib ak ma kamnigab. Klays bine midebin tek, niñid yibil agebin.

¹¹ Pen takaw apin anib ak, nibop yilik niñid ma agebin. God ne nigup, yad nibop mapen yibil lipin.

¹² Pen bi oginap yib kili ke dad aplanun agil, kanib ak piyow nepal. Piyow nigilig chinop niñid, Pol bine okok kili midebal tek chin anib ak nep midobun aginigel agil, gos ak nepal. Yad pen anigil kanib kilop giñen, kili Pol gup tek gipun agil, aginigel tek ma linigab. Yad anigil kanib giñilig nep yenigayn.

¹³ Bi anib okok, kili bi Jisas takaw nop dad ameb yepis midebal okok, Jisas wog gobun agil yepis gipal. Kili gos anigil nepal. Binib oginap kili chinop niñid, bi Jisas takaw nop dad ameb okok midobun gos ak niginigel agil, gos anib ak nepal. Anigil niñid, silok lil bi anib ak ke midebal.

¹⁴ Pen anigebal ak, judil gos pal ma linimib. Chin nopun, Satan abe silok lil anib ak ke midil, ensel milek sek tek silok lil mideb.

11:9 2 Ko 12.13, Plp 4.15-18, 1 Te 2.9 **11:10** 1 Ko 9.15 **11:13**
Lom 16.18, 2 Ko 2.17, Gal 1.7, Plp 3.2, 2 Pi 2.1, Lep 2.2 **11:14** Gal
1.8

15 Anib ak Satan bi wog giñeb ne okok, kili bi sunjep wog giñeb tek silok lil midebal ak, gos awl ma niñinipun. Pen gipal anib ak, kidek tap titay dil gipal okok God kilop pen ginigab.

Pol ne God wog gilig miñel dup

16 Yad tepayan agebin, nibi yip bi sawl sek agil, gos ak ma niñinimib. Pen yip bi sawl sek agil gos niñinigabim ak, abe tep mideb. Yip pen keligem, bi sawl okok yib kili ke dad aplanibal tek takaw oginap aginim.

17 Takaw anib awl, Biawl ak yip gos ñub tek ma aginigebin. Bi sawl okok, yib kili ke dad aplanibal tek aginigebin.

18 Bi kuñay gos lum awl niñid, yib kili ke dad aplanibal. Anib ak tek yad abe gilig, yib yad ke dad aplanigebin.

19 Taynen anib apin? Nibi bi gos nigep okok nigtep yibil gipim tek, bi sawl sek okok takaw sawl agel, nibop yilik ma gek nigun agil gos nepim.

20 Niñid apin, bi olap nibop kodil nag lup tek lil akan, tap nibi okok midupsek dijuwil akan, nibop yepis agil muk ne okok lil akan, ne ke gek biawl yib mideb ak midil akan, nibop takaw timel agil nebeñ agil akan, tap timel anib okok anigenigab, nop keligem, gos ne okok ke ginimun.

21 Chin kimigel midil, tap anib okok pen nibop ma gipun. Chin anigil gi timel gon, chinop nebeñ ginimun akan?

Bi olap pen kiles gil aginimun, Yad wog gitep gil yib awl dipin agonimun, yad abe kiles gil anib

aginigebin. Yad nepin, bi sawl sek takaw agup tek agebin.

²² Kili Hiblu bi okok akan? Yad abe Hiblu bi olap. Kili Yisrel bi okok akan? Yad abe Yisrel bi olap. Kili Eblaham jii ne bi okok akan? Yad abe Eblaham jii ne olap.

²³ Kili Klays bi wog giñeb ne okok akan? Yad Klays bi wog giñeb ne teplep yibil olap midebin. Yad miñil bi sawl sek takaw sawl yibil agup tek agebin. Yad wog kiles gil, miñel adek keke dipin, bi anib okok wog sikol gil, miñel sikol dipal. Bi oginap yip ñin kuñay yibil nag lipal, bi anib okok kilop ñin nokom nokom nag lipal. Bi oginap yip kiles timel gil yibil tapin pakilak, bi anib okok kilop sikol yibil pakilak. Ñin kuñay yibil kumdam nab lil ownek.

²⁴ Bi Juda kili ñin nokom nag dil yip pakilak, anep 39 ak. Ñin keke anep mamid ak yip anigil pakilak.

²⁵ Ñin keke omiñal nokom ak, bi oginap kul dil yip pakilak. Ñin olap binib kuñay yibil yip kab ju pakilak. Sip ajenek, ñin keke omiñal nokom, sip ak pisnep pag pakek amdak. Sip timel gak ñin anib okok, minek olap ñig wij adek ak aplan apyan gi miden miden, sub sanjid amil, kisilim apil, man tikak.

²⁶ Ñin kuñay kanib nab okok ajeligipin. Ajilig, ñig nab okok kumeb tek yeligipin. Bi binib pakil tap kilop si dipal nab okok kumeb tek yeligipin. Binib yad yipid gil akan, binib Juda mel nab okok kumeb tek yeligipin. Tawn nab okok akan, man

nep binib ma yelak nab okok akan, solwala nab okok kumeb tek yeligipin. Binib chin Klays yil midobun apal ak pen, Klays yil ma midebal nab okok kumeb tek yeligipin.

²⁷ Wog kiles gil koslam yibil geligipin. Nin kunay wisin ma kineligipin. Nin kunay tap midup ma yek yuwan awl gilig, nig nen goligup. Nin oginap chech ma midil, yigen nep geligipin.

²⁸ Yad minel awl oginap sek yip owup ak, anib ak aginim ak pen, minel olap nim gos nepin. Yad binib Klays yil midebal man keke okok kod midtep gin agil, midtep gebal akan gos awl ak nepin.

²⁹ Kili olap kiles ma mideb, yad abe kiles ma mideb tek lup. Pen gos olap apek kili olap tap si tap timel gep tek lonimu, nigen yip minel gek milik yibil yowup.

³⁰ Yad yib yad ak ke dad aplanil nim, tap yad ke kiles ak ma mideb tek yomnigab ak, anib okok gos niginigayn. Anib ak tap yad okok dad aplanigayn ak, kiles mel.

³¹ God, ne Biawl chin Jisas Klays nop God ne mideb, Nap ne mideb. Chin yib nop pel pelnep dad aplanigun. God anib ak, ne yad yepis ma agebin ak nigup.

³² Yad taun Damaskus yenek, gapman binonim Aledas bine aglek Damaskus kodoligup ak, ne yip nag lin agil, bi chim kadin gep ne okok agek, kili am taun kab wali palawl ak, kanibtam okok midupsek keke kod yelak.

11:27 Apo 20.31, 1 Ko 4.11, 2 Ko 6.5 **11:28** Apo 20.18-21, 20.31

11:29 1 Ko 8.13, 9.22 **11:30** 2 Ko 12.5, 12.9-10 **11:31** 2 Ko 1.23

11:32 Apo 9.23-25

³³ Anigilak ak pen, bi chin oginap yip dil wad awl migan ak yigil, nag tun gil, kab wali palawl ak bibejil migan ak lipig senayan yokel, am am ayan pakil, pilik amnnek.

12

Pol ne day nigak takaw ak agñub

¹ Yad yib yad ak ke dad aplanilig midenim. Ak chinop giñinimuj tek ma lup ak pen, Biawl ak ne yip gek, day niginek takaw ak sek tap we gil ag misen lup ak sek aginig aginigayn.

² Bi nop nepin Klays nop chig tep gak olap, God nop dad man ne adek awl alañ amnak.* Gak anib ak, miñil sub yin yin lup wajilem piskid ak. Pen bi anib ak wak sek anib alañ amnak akan, wak keligil kawnan nep amnak akan, yad ma nepin. God ne nokom nigup.

³⁻⁴ Pen yad anigil nepin, God bi anib ak nop, wak sek akan, wak keligil kawnan nep amnak akan ma nepin, God ne nokom nigup, dad man ne alañ amnak. Anib alañ amil, takaw binib agñeb tek ma lak ak niñid, takaw ma agep tek lak ak niñid gak.

⁵ Bi olap nop gak, anib ak tek yib nop ak dad aplanigayn ak pen, yib ke dad aplanibinep ak, tep ma gipikop. Takaw yad ke aginig, bi kiles ma midil, koslam midebin tek nep aginigayn.

⁶ Pen yib yad ke dad aplaneb takaw oginap ma midek ma agebin. Yad pen anigil agil, bi sawl agup tek mel, taynen, yad takaw niñid yibil aginigayn. Yad yib yad ke dad aplanen, binib oginap yip niñid,

* **12:2** Bi Klays nop chig tep gak anib ak, Pol ne ke. Lain 7 niginimin.

12:5 2 Ko 11.30 **12:6** 2 Ko 10.8, 11.16

ak bi tep ke mideb agel, yip tep ma gipikop. Yip tep gup ak, gipin gipin tek niñid akan, takaw apin tek niñid, bi tay tek midebin ak kili ke niginigel.

Tap olap Pol nop ñu tek puñilup

⁷ God ne tap we gep anib okok kuñay yibil yip ag miseñ lak ak pen, yad nokom niginek tek, yib yad ke dad aplanigayn tek lek, tap olap yip ñu tek puñilak. Tap anib ak Satan yil apil, yip ñu tek puñilig mideb. Anigek, yib yad ke dad aplanigayn tek ma lonimuj.

⁸ Biawl ak nop ñin omiñal nokom kiles gil agniñid aginec, Nad tap anib ak diyokinimin aginec.

⁹ Yip pen agak, Yad nep yimug niñid gitep gen, tap anib ak nep anigil ginimuj agak. Niñid apin, bi kiles ne ma mideb ak, kiles yad ak tap awl yibil nop ameb agak. Biawl anib agec, miñil yad bi kiles ma mideb tek midil, anib ak niñid miñmiñ awl gipin. Pen Klays kiles ne ak yad ayip midil, yip yu ginimuj.

¹⁰ Anib ak tek yad Klays yil midebin agil gos niñid, kiles ma midebin akan, yip agjupal akan, yip gi timel gipal akan, miñel dil koslam midebin akan, anib okok yip gek yip tep yibil gup. Taynen tep yibil gup? Kiles yad ma mideb ñin ak, God yip kod midtep gup ak nim, kiles yibil gil midebin.

Pol ne Kolin binib okok kilop ditep ginim agil gos nigup

12:7 Jop 2.6, Ese 28.24, Luk 13.16, Gal 4.13-14 **12:8** Mat 26.44

12:9 2 Ko 11.30, Plp 4.11-13, 1 Pi 4.14 **12:10** Lom 5.3, 2 Ko 7.4, 13.4

11 Pen yad bi sawl tek takaw apin ak, nibi ke yip gem anib apin. Yip dil, gitep gipin ak agyikipikep ak pen, anib ak ma gipim. Nigim. Yad bi tam okok tek midebin ak pen, bi Jisas takaw nop dad ameb biawl yibil okok midebal apim ak, kili biawl okok yad bi sikol ak agil gos ma niginimib. Mel yibil.

12 Nib ayip yenek nin ak, wog kunay ginek ak ninid, nibi yad bi Jisas takaw nop dad ameb ak gipin tek agil gos nepek. Yad kiles timel gil minel ak dil, God kiles yip nek tap olap ke oginap gil, tap mageptek oginap gil, tap mageptek keke oginap gil anigen ninid gos nepek, yad God wog ne yipid gil ginek.

13 Yad binib Klays yil midebal wakay oginap kilop, ginek ginek tek nibop abe gipin ak pen, adek nokom olap nep nibop ke gipin. Adek anib ak nim, tap yip tek dak okok, yip ninimib agil ma aginek. Anigen, tap timel olap ginek agil gos nepim akan? Pen nibop gitep ma genek anib ak, ninid keliginimib.

14 Nibop ned nin ominal am niginek, miñil tepayan ninig gebin. Tap nibop oginap dinig ma ninigayn, nibop nen agil ninigayn. Nib nepim, nonim nap sikop tap dilitep gil nim, ñapay kili sikop kilop yimag lipal. Pen ñapay kili okok, nonim nap sikop kilop anib ma gipal.

15 Anib ak nibop nen mani tap yad okok midupsek yokjunigayn akan, mubwak yad ak sek, kiles yad ak sek, midupsek nibop ninigayn agil, gos anib ak ninid miñmiñ gilig midebin. Pen nibop

mapen yibil lipin ak niñid, yip pen nigem yilik gup akan?

16 Nibi tap yad gipin anib ak niñid, anigil apim, Yaw, ne tap chinop ma doligup apim. Oginap pen anigil apim, Ne bi tap asib agep tek midil, chinop yepis agil, tap chinop ak si dinig agoligup apim.

17 Bi akal tek nibop yil agyokil, tap nibop okok widin widin li dinek tek lak akan? Anigil ma ginek.

18 Yad Taytus nop gos ñinek, nib yebek ak amnig gek, mam Klays yil mideb ak ne Taytus ayip nibop yil agyokinek. Pen yad nepin, Taytus tap nibop oginap yepis agil ma yibil dak. Ne adek olap ke ma gak. Yad gos nepin nep tek, gipin adek ak nep tek gak.

19 Nibi aginigabim, Pol ayip bine ayip takaw agebal anib ak, yib chinop ma apyownimuj agil agebal aginigabim. Ak pen mel. Binib mapen yad okok, God nig midakniñ, Klays nop chig tep gil midil, tap okok midupsek gipun ak, nibop kiles ñon gos sek midil jak tep gil yenimib agil anigobun.

20 Yad pilikil gos anib ak nepin, am nibop niginigayn ñin ak, gipim tek nigen yip tep ginimuj tek ma linigab, gipin tek nigem nibop tep ginimuj tek ma linigab. Nibi milik yapek penpen agil yenigabim ak, chibol nibop ak timel ginigab ak, milik niginigabim ak, gos nibi ke niñid kidek ginigabim ak, binib kilop takaw timel agil agjunigabim ak, takaw kud ken aginigabim ak, yib ke dad aplanigabim ak, monmon gil midtep ma ginigabim ak, anib okok midupsek nibi genimib tek linigab agil, yad pilikebin.

²¹ Pen gos olap nepin ak, pi ak amil niginigayn, tap timel ned gipek ak, ñin anib ak abe ginigabim. Anigem, God yip gek, yip nebeñ timel yibil ginigab. Binib nibi kunay ned tap timel gil, miñil abe anigipal okok, yad amil kilop nigen chan lil yenigayn agil, yad pilikebin. Kili tap titimel gil gach sek midil, bin si bi si dil, gos timel niñid mapen tikjakek gil gipal. Pen tap si tap timel gipal anib ak ma keligil, monmon yibil genigabal, kilop nen chan lil yenigayn.

13

Binib kili Klays nop gos linigilak ak, kod midtep ginigel

¹ Yad nibop am ñin omiñal niginek, miñil pen tepayan niñig gebin. Buk Baybol ak tikil agak, Bi olap gi timel gek, bi omiñal akan, omiñal nokom widin niñid apil agyikenigabal, takaw ag tig asik tep ginigel agil tikak.

² Yad ñin nab siñak nibop am niñid, binib ned gi timel gilak okok kilop pen aniginigayn tek, agtep gil adikid ownek. Miñil pal okok midebin ak, binib ned gi timel gilak okok sek, miñil gi timel gebal okok sek kilop agebin, Tepayan amjakil nim, binib kili gi timel gipal okok, kilop niñid ma keliginigayn, gi timel ginigayn agebin.

³ Nibi Klays ne yip gos ñek takaw agñibin akan, mel agil gos nepim okok, nigtep ginimib. Nigim. Klays ne tap gipim okok niñid nibop timud wukinim agil, sayn gil ma ginigab. Kiles ne ak nibop yomnigab.

⁴ Niñid apun, ne ned bi kiles ma mideb tek yek, nop mab bak alaŋ chipil pak tibik lel kumak. God pen kiles ne ak dil Klays nop gek, miñil koñim mideb. Chin anib ak nep. Klays nop chig tep gil, bi kiles ma mideb tek midobun. God pen kiles ne ak dil chinop gek, Klays ayip koñim midil, nibop nen agil wog gipun ak niñigabim.

⁵ Nibi ke agniñimib, nibi ke bilok niñimib. Klays nop gos linopun akan, mel agil, gos niñimib. Pen Jisas Klays nib ayip nep mideb ak, anib ak nibi ke ma nepim akan? Akan pen, nibi ayip ma midebikop, nib nepim, nop gos ma nepikep.

⁶ Pen nibi chinop bilok niñid anigil nigtep ginimib agil gos nepin, chin Klays nop gos linigilig, wog ne ke gipun ak niñigabim.

⁷ Chin nibop gos nigilig, God nop agniñid apun, kilop kod mide, tap timel olap ma ginigel apun. Pen nop agnopun anib ak, binib kili chinop niñid Klays wog ne gitep gebal aginigabal agil, anib ak gos ma nopun. Kili chinop niñid bi wog gitep ma gipal agil gos nigel, yib chin ap yownigab ak, tap yokip. Nibi pen pel gitep ginigabim ak, tap awl yibil.

⁸ Nib nepim, chin tap olap gon takaw niñid yibil ak ap yownimun tek ma lup. Chin pen gon, takaw niñid yibil ak am awl gonimun tek lup.

⁹ Nibi kiles timel gil mideb, chin kiles ma mideb ak, miñmiñ gipun. Anib ak chin God nop abe agniñid apun, Nad kilop kod mide, kili tepayan jakil wog ginig ginigel apun.

13:4 Lom 6.4, Plp 2.7-8, 1 Pi 3.18 **13:5** 1 Ko 9.27, 11.28, Gal 4.19

13:8 1 Ko 13.6

10 Adek anib ak nep, yad palawl okol midil, nibop mij tik yokebin. Nibi mij anib ak niñid, Biawl nop chig tep gil midem nim, yad amjakil, takaw kiles aginig nepin ak keliginigayn. Biawl yip agek wog nop gipin tek, takaw kiles oginap aginig aginigayn. Pen wog agek gipin anib ak, kilop age apyap pakinigel agil ma agak. Kilop agil kiles ñe, gos sek midil jak tep gil yenigel agil agak ak gipin.

Takaw day won oginap

11 Mam ay sikop, miñil takaw agjunig, Nibi midtep ginimib agebin. Nibi Klays binib ne yonigun agil, kiles timel yibil gil yenimib. Takaw tep ak penpen agñil gos sek yenimib. Gos pal nokom niginimib. Kimigel jimñil yenimib. Anigem nim, God ne nibop mapen lil, gek kimigel midtep gipim ak, nib ayip jimñil yenigab.

12 Chin God binib ne pel gipun tek, nibi miñmiñ gilig penpen ñin pak sakinimib. Binib Klays yil midebal awl midupsek, kili nibop ag dideg lebal.

13-14 Biawl Jisas Klays nibop midupsek yimug niñid gitep ginimun. God nibop midupsek mapen yibil linimun. Kawnan ne ak nibop midupsek ayip jimñil yonimun.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Mar 2025 from source files dated 29 Jan 2022

24d09cce-9a93-523a-afa5-7b091c264cee